



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-527-8/23**
Datum: **26.3.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „LISKOVAČKI MOZAIK“ d.o.o. Cazin, za izdavanje vodne dozvole za aktivnosti koje mogu imati specifične uticaje na vode radom na eksploataciji mineralne sirovine na kamenolomu „Šarića brdo“ u naselju Liskovac, grad Cazin, na osnovu člana 139. stav (1) tačka 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE o vodnoj dozvoli

1. Pravnom licu, „LISKOVAČKI MOZAIK“ d.o.o. Cazin, daje se vodna dozvola za aktivnosti koje mogu imati specifične uticaje na vode radom na eksploataciji mineralne sirovine na kamenolomu „Šarića brdo“, na zemljištu označenom kao k.č. broj: 917 dio, 923 dio, 924 dio, 925 dio te 919 dio, 917 dio, 920/1, K.O. Liskovac, a čije su granice istražnog polja odobrene Rješenjem Ministarstva privrede Unsko-sanskog kantona broj: 06-18-7115-UP-1/2013, dana 30.07.2013. godine, kojim se odobrava eksploatacija krečnjaka - tip „liskovački kamen“ na predmetnoj lokaciji, odnosno rješenjem istog ministarstva, broj: 06-18-7141-UP-1/19 od 22.08.2019. godine, kojim se odobrava izvođenje radova po Dopunskom rudarskom projektu eksploatacije krečnjaka na kamenolomu „Šarića Brdo“ – Liskovac, broj: 532-59-VII/19 od jula 2019. godine, Ugovora o koncesiji br. KU 038/2013 za eksploataciju krečnjaka tipa liskovački kamen na ležištu „Šarića brdo“ Liskovac u gradu Cazin, zaključenog sa koncesorom – Ministarstvom privrede Unsko-sanskog kantona dana 19.06.2013. godine, u Bihaću, odnosno Aneks I Ugovora o koncesiji Br. KU 038/2013, broj: 06-18-6568-2/13 zaključenog dana 03.11.2017. godine, u Bihaću.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Rješenje o vodnoj dozvoli se donosi na osnovu pregleda dokumentacije kojom raspolaže podnositelj zahtjeva, izvršenog uviđaja na površinskom kopu-kamenolomu i pod slijedećim uslovima:
 - 3.1. Da korisnik, u toku važenja ovog Rješenja, izvrši rekultivaciju zemljišta na kojem vrši odlaganje gotovih proizvoda (površina uz nekategorisanu asfaltnu cestu, k.č. broj: dio 923 i dio 925 K.O. Liskovac), a koje se odobrenom izmjenom površine za eksploataciju našlo izvan eksploatacionog polja).
 - 3.2. Da korisnik predmetnih objekata kamenoloma isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole, okolinskom dozvolom te saglasnostima i dozvolama dobivenim od strane drugih nadležnih organa.
 - 3.3. Objekte za prikupljanje, tretman i ispuštanje onečišćenih oborinskih i tehnoloških otpadnih voda (slivnici, rešetke, kanalizaciona mreža, separator ulja i masti, taložnik, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službeni evidenciju i arhivu.
 - 3.4. Skladištiti ulja i maziva u natkrivenom prostoru ili izgraditi namjenski objekt za skladištenje i pretakanje ulja i maziva te izvesti AB tankvanu od vodonepropusnog betona otpornog na dejstva hemikalija, odnosno na način kako je to predviđeno dopunom odobrene projektne dokumentacije.

- 3.5. Odabarnim sistemom tretmana otpadnih tehnoloških voda se mora obezbjediti da granične vrijednosti parametara efluenta budu u granicama vrijednosti datih u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20 i 1/24).
- 3.6. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno članu 19. stav (4) Uredbe o uslovima ispuštanja otpadnih voda u okoliš i sisteme javne kanalizacije.
- 3.7. U toku izvođenja radova kao i same eksploatacije opasni materijal i otpad se ne smije ni privremeno odlagati na česticu «vodno dobro», odnosno u vodotok i na njegove obale.
- 3.8. Otpadno ulje (rabljeno ulje), zauljeni otpadni materijal (filteri, krpe, pucvale i slično), ulje iz separatora te talog iz taložnika, potrebno je prikupljati u zasebnu ambalažu, u skladu sa propisima iz oblasti zaštite okoliša. Zbrinjavanje ovih otpada treba povjeriti firmi ovlaštenoj za zbrinjavanje opasnog otpada.
- 3.9. Metalne otpade potrebno je sakupiti u namjenske posude do odvoza od strane firme koja ovaj otpad koristi kao sirovinu.
- 3.10. Opasni materijal i otpad nastao pri izvođenju radova i eksploatacije mineralne sirovine ne smije se ni privremeno odlagati na česticu «vodno dobro», odnosno u vodotok i na njegove obale.
- 3.11. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe. Rezultate analiza dostaviti ovoj Agenciji.
- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11 i 88/12), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „LISKOVAČKI MOZAIK” d.o.o. Cazin je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 26. stav (1) Uredbe o ispuštanju otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20 i 1/24) se daje sa rokom važenja do 30.06.2026. godine.
9. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
10. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
11. Uslov za izdavanje nove vodne dozvole je ispunjenje uslova iz dispozitiva ovog Rješenja i ako se ne izvrše radovi predviđeni ovim vodnim aktom, produženje vodnog akta istekom važnosti ovog rješenja neće biti moguće.

Obrazloženje

Pravno lice, „LISKOVAČKI MOZAIK” d.o.o. Cazin, obratilo se ovoj Agenciji dana 14.11.2023. godine zahtjevom, broji: 01-11/23, za izdavanje vodne dozvole za aktivnosti koje mogu imati specifične uticaje na vode prilikom izvođenja aktivnosti na kamenolomu “Šarića Brdo”, lociran u naselju Liskovac, Grad Cazin.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Aktuelni izvod iz sudskog registra, Matični broj subjekta upisa: 17-01-0080-10; izdan od strane Općinskog suda u Bihaću dana 07.09.2022. godine (ovjerena kopija),
- Uvjerjenje o poreznoj registraciji, izdano dana 08.03.2010. godine, od strane Federalnog ministarstva finansija, Porezne uprave – Kantonalni ured UNSKO-SANSKOG KANTONA (ovjerena kopija),
- Rješenje, kojim se privrednom društvu „Liskovački mozaik“ d.o.o. Cazin dozvoljava izvođenje radova po Dopunskom rudarskom projektu eksploatacije krečnjaka na kamenolomu „Šarića Brdo“–Liskovac broj: 532-59-VIII/19 od jula 2019. g, u daljem tekstu (Projekat); izdano od strane Ministarstva privrede Unsko-sanskog kantona pod br. 06-18-7141-UP-1/19, dana 22.08.2019. g., u Bihaću (kopija),
- Rješenje, kojim se daje urbanistička saglasnost „Liskovački mozaik“ d.o.o. Cazin za proširenje eksploatacionog polja mineralne sirovine – krečnjaka na lokalitetu „Šarića brdo“, naselje Miskići-Liskovac, Grad Cazin, na površini okonturenoj prelomnim tačkama A', B', C', D', E', F', G', H', I', J', K', L', M', N', O', P', R', S', T', U', u površini od 0,876 ha, na zemljištu označenom kao k.č. broj: 919, 920/1, dio 924 i dio 925, k.o. Liskovac, grad Cazin; izdano od strane Ministarstva za građenje, prostorno uređenje i zaštitu okoliša Unsko-sanskog kantona pod brojem 11-23-14958-UP-1/17, dana 08.04.2019. godine, u Bihaću (kopija),
- Nalog za plaćanje upravne pristojbe (kopija),
- Ugovor o koncesiji br. KU 038/2013 za eksploataciju krečnjaka tipa liskovački kamen na ležištu „Šarića brdo“ Liskovac u općini Cazin, zaključen između koncesionara – LSKOVAČKI MOZAIK d.o.o. Cazin pod brojem 01-06/2013 i koncesora – Ministarstva privrede Unsko-sanskog kantona pod brojem 06-18-6568-1/13, dana 19.06.2013. godine, u Bihaću,
 - Odluka o dodjeli koncesije na eksploataciju krečnjaka tipa liskovački kamen na lokalitetu „Šarića brdo“ u općini Cazin privrednom društvu „Liskovački mozaik“ d.o.o. Cazin; izdana od strane Vlade Unsko-sanskog kantona pod brojem 03-017-2898/2013, dana 07.06.2013. godine, u Bihaću (kopija),
 - Mišljenje o dodjeli koncesije, izdano od strane Kantonalnog pravobranilaštva Bihać pod brojem M-39/13, dana 13.05.2013. godine, u Bihaću (kopija),
 - Odluka o davanju saglasnosti za dodjelu koncesije privrednom društvu d.o.o. „LSKOVAČKI MOZAIK“ Cazin; dato od strane Općinskog vijeća Općine Cazin pod brojem 01/V-18-5528/12, dana 03.05.2012. godine, u Czinu (kopija),
 - Rješenje, kojim Komisija za koncesije ovlašćuje Kantonalno ministarstvo privrede za vođenje pregovora sa ponudacem „LSKOVAČKI MOZAIK“ doo Cazin, sa ciljem dodjele koncesije za eksploataciju krečnjaka na lokalitetu „Šarića brdo“ u općini Cazin; izdano od strane Komisije za koncesije Bihać pod brojem 13-18-8863-5/2011, dana 22.04.2013. godine, u Bihaću (kopija),
- Aneks I Ugovora o koncesiji br. KU 038/2013 za eksploataciju krečnjaka tipa liskovački kamen na ležištu „Šarića brdo“ Liskovac u općini Cazin, zaključen između koncesionara – LSKOVAČKI MOZAIK d.o.o. Cazin pod brojem 01-10 i koncesora – Ministarstva privrede Unsko-sanskog kantona pod brojem 06-18-6568-2/13, dana 03.11.2017. godine, u Bihaću (kopija),
 - Odluka, kojom se daje saglasnost na Aneks I Ugovora o koncesiji Br. KU 038/2013 od 19.06.2013. godine, za eksploataciju krečnjaka tipa liskovački kamen na lokalitetu „Šarića brdo“ u općini Cazin zaključen između Ministarstva privrede Unsko-sanskog kantona (Koncesora) i privrednog društva „Liskovački mozaik“ d.o.o. Cazin (Koncesionara); izdana od strane Vlade Unsko-sanskog kantona pod brojem 03-017-1534/2017, dana 26.10.2017. godine, u Bihaću (kopija),
- Rješenje o vodnoj dozvoli, izdano od strane Agencije za vodno područje rijeke Save Sarajevo pod brojem UP-I/25-3-40-334-4/17, dana 19.06.2017. godine (kopija),
- Popratni akt o dopuni podneska zahtjeva, broj: 01-12/23 od 06.12.2023. godine,
- Godišnji izvještaj o monitoringu i ispitivanju otpadne vode za iskop i preradu ukrasnog kamena „Liskovački mozaik“ Cazin; urađen od strane „Herkon“ d.o.o. Mostar pod brojem GI-OV-02-066/22, dana 4.5.2022. godine, u Mostaru,
- Zapisnik br. OV-066/22EZ; urađen od strane Poduzeća za kontrolu kakvoće i količine robe „Herkon“ d.o.o. Mostar, dana 4.5.2022. godine (kopija),
- Glavni projekat – prikupljanje, odvođenje i ispuštanje tehnoloških otpadnih voda sa radnih odkopnih i manipulativnih površina i drugih pratećih objekata Površinskog kopa krečnjaka na lokalitetu „Šarića brdo“ – Liskovac; urađen od strane IBIS d.o.o. Zavidovići pod brojem 44-IB-G-K/13, septembra 2013. godine, u Zavidovićima, revidiran od strane „ES HYDROTECHNICS“ d.o.o. Sarajevo pod brojem 0-10-085/13, dana 18.10.2013. godine, u Sarajevu (na uvid),

- Kopija Ugovora o izvođenju radova br. 1780/23-DS, za čišćenje separatora i septičkih jama i odvozu otpadnog mulja i taloga (tretman otpadnih voda); zaključen sa „DELTA PETROL“ d.o.o. Kakanj, dana 27.10.2023. godine (kopija),
- Zaključak o visini i roku za plaćanje posebnih troškova, izdan od strane ove Agencije, broj UP-1/21-3-40-527-2/23, dana 27.11.2023. godine te kopija naloga za plaćanje istih,
- Popratni akt o dopuni podneska zahtjeva, broj: 01-12/23 od 06.12.2023. godine.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20 i 63/22), izvršen je pregled lokaliteta kamenoloma "Šarića brdo", koji se koristi od strane pravnog lica „LISKOVAČKI MOZAIK“ d.o.o. Cazin i tom prilikom sačinjen zapisnik o uviđaju, broj: UP-1/21-3-40-527-4/23 od 05.01.2024. godine, pri čemu je utvrđeno:

Predmetni kamenolom "Šarića Brdo" je lociran u naselju Liskovac, grad Cazin.

Eksploataciono polje je površine 2,48 ha ograničeno prelomnim tačkama označenim kao: A, B, C, D, E, F, G, H, I, J, K, L, M, N, O, P i R (prema Aneksu koncesionnog ugovora, koje su definisane koordinatama (x,y):

Prelomne tačke	koordinate	
	X	Y
A	4 989 768	5 566 703
B	4 989 803	5 566 741
C	4 989 883	5 566 797
D	4 989 859	5 566 820
E	4 989 923	5 566 884
F	4 989 885	5 566 915
G	4 989 865	5 566 940
H	4 989 822	5 566 915
I	4 989 803	5 566 925
J	4 989 780	5 566 940
K	4 989 726	5 566 920
L	4 989 752	5 566 874
M	4 989 722	5 566 834
N	4 989 736	5 566 814
O	4 989 726	5 566 771
P	4 989 797	5 566 763
R	4 989 759	5 566 716

kako je definisano gore navedenim Rješenjem, kojim se odobrava eksploatacija krečnjaka tip „liskovački kamen“, unutar eksploatacionog polja „Šarića brdo“, grad Cazin, izdanim od strane Ministarstva privrede Unsko-sanskog kantona pod brojem 06-18-7141-UP-1/19, dana 22.08.2019. godine, u Bihaću te Aneksom ugovora o koncesiji br. KU 038/2013 za eksploataciju krečnjaka tipa liskovački kamen na ležištu „Šarića brdo“ Liskovac u gradu Cazin, zaključenim sa koncesorom – Ministarstvom privrede Unsko-sanskog kantona dana 03.11.2017. godine, u Bihaću.

Na predmetnom kamenolomu, u vrijeme izvršenja uviđaja, su postojali slijedeći objekti i mašine/ postrojenja: urađen manipulativni plato za tankovanje i održavanje mehanizacije te taložnik broj 1 za prijem oborinskih i otpadnih voda sa istog, nabavljen i ugrađen separator ulja i masti, urađen (vrši se rekonstrukcija istog) čvrsti objekt za upravljanje i ishranu radnika, garaža za mehanizaciju sa sanitarnim čvorem, ali nije urađen obodni kanal za prijem oborinskih voda sa radnih površina eksploatacionog polja prema lokalnoj cesti niti taložnik broj 2 za prijem istih. Od radnih mašina su prisutni: bager točkaš – rovokopač, bager kombinovani, presa za lomljenje kamena, mašina za rezanje kamena, mali utovarivač do 5 tona te kamion za odvoz kamena. Na predmetnom lokalitetu, u vrijeme izvršenja uviđaja su vršeni radovi na eksploataciji mineralne sirovine na sedam etaža. Na prostoru predmetnog kamenoloma trenutno izvršen je priključak na javni gradski vodovodni sistem preko stambenog objekta. U naselju Liskovac nije izgrađen javni kanalizacioni sistem odvodnje otpadnih voda. Oborinske vode sa internih saobraćajnih i parkirnih površina, radnih površina kopa te skladišnih površina gotovih proizvoda, a koje mogu da sadrže produkte naftnih derivata sa radnih mašina i vozila u prometu internog saobraćaja, kao i suspendirane materije sa radnih mašina i gotovih proizvoda se najvećim dijelom zadržavaju unutar istražnog polja te infiltriraju u podzemlje, a dijelom se slijevaju ka nekategorisanom asfaltnom putu.

U međuvremenu je podnosilac zahtjeva pribavio odobrenja za korekciju površine eksploatacionog polja te se u sjevernom dijelu istog proširio na novi prostor, a na južnom dijelu eksploatacionog polja jedan dio već odobrenog prostora je izostavljen iz površine odobrene za eksploataciju. Na prostoru koji je nekad bio dio

okonturene površine za eksploataciju kamena je bila predviđena izgradnja obodnog kanala sa drenažnom cijevi za prijem onečišćenih otpadnih voda sa prostora kopa. Na istom prostoru je bila predviđena izgradnja i taložnika broj 2, predviđenog za tretman zamuljenih otpadnih voda te upojnog bunara, kao prijemnika prečišćenih voda. Također, na izostavljenom prostoru se vrši odlaganje gotovih proizvoda. Navedeni objekti za prijem, tretman i ispuštanje zamuljenih oborinskih voda sa prostora površinskog kopa su projektirani odobrenom projektnom dokumentacijom te vodom saglasnošću, ali nisu bili izvedeni te je izgradnja istih bila uvjetovana prethodno izdanom vodom dozvolom. Kako je prostor za izradu navedenih objekata za tretman onečišćenih zamuljenih voda, izmjenom oblika površine eksploatacionog polja, izostavljen iz prostora namijenjenog za eksploataciju, potrebno je da korisnik predmetnog objekta izvrši dopunu, reviziju i realizaciju odobrene projektne dokumentacije, na način da na dijelu eksploatacionog polja koji se izostavlja promjenom površine eksploatacionog polja, a na kojem se trenutno vrši odlaganje gotovih proizvoda, izvrši rekultivaciju zemljišta. Na istom prostoru je odobrenom projektnom dokumentacijom predviđena izgradnja sistema za prijem, tretman te ispuštanje zamuljenih oborinskih voda sa radnog prostora eksploatacionog polja. Predviđena je izrada otvorenih obodnih kanala, drenažnog kanala, taložnika za bistranje prihvaćenih količina vode te upojnog bunara, kao recipijenta. Na osnovu navedenog, podnosiocu zahtjeva je dat rok da uradi i reviduje projekt izvedenog stanja sa prijedlogom izmještanja sistema za prijem, tretman i ispuštanje zamuljenih oborinskih voda sa radnih površina eksploatacionog polja unutar konture odobrene izmjene površine istoga. Na osnovu urađenog glavnog projekta je potrebno uraditi dinamički plan sa finansijskom procjenom ulaganja, u skladu sa članom 26a. Uredbe o izmjenama i dopunama Uredbe o uvjetima ispuštanja otpadnih voda u okoliš i sistem javne kanalizacije („Službene novine Federacije BiH“, broj: 1/24).

Investitor je u odobrenom roku dostavio:

- Glavni projekat vanjske hidroinstalacije, postojeće stanje sa nadopunom, za površinski kop krečnjaka na lokalitetu „Šarića brdo – Liskovac“; urađen od strane Preduzeća za inženjering, građevinarstvo, trgovinu i usluge IBIS d.o.o. Zavidovići, broj: 15-IB-G/24, marta 2024. godine, u Zavidovićima,
- Izvještaj o izvršenoj tehničkoj kontroli – reviziji projektne dokumentacije Glavnog projekta – vanjske hidroinstalacije – postojeće stanje sa nadopunom – površinski kop krečnjaka na lokalitetu „Šarića brdo – Liskovac“, investitora Liskovački mozaik d.o.o. Cazin; urađen od strane Društva za projektovanje, inženjering i konzalting TEAM HIDRO d.o.o. Sarajevo marta 2024. godine, u Sarajevu.

Pregledom navedenog glavnog projekta možemo konstatirati:

- Da je površina eksploatacionog polja niža od okolnog terena te se većina oborinskih voda sa radnih etaža kopa infiltrira u tlo,
- Da su na prostoru prema nekategorisanoj asfaltnoj cesti i mjestu gdje je odobrenom projektnom dokumentacijom bila predviđena izrada sistema za prijem zamuljenih oborinskih voda sa radnih površina kopa (otvoreni obodni kanal, drenažni rov, taložnik, upojni bunar) izvedena tri drenažna kanala promjera 110 mm, u tri pravca, dužine 30+30+60 metara, koji se uvode u upojni bunar, lociran centralno u odnosu na kanale, sa funkcijom da prihvate dio voda koji se pojavi sa radne površine kopa. Navedeni kanali i upojni bunar pri izvršenju uviđaja nisu evidentirani jer se isti nalaze ispod površine terena na kom se odlažu palete sa gotovim proizvodima, niti ih je investitor spomenuo pri izradi zapisnika.
- Projektom nisu predviđeni nikakvi dodatni radovi na izgradnji sistema za prijem zamuljenih voda sa prostora eksploatacionog polja te shodno tome nije niti rađen dinamički plan aktivnosti sa finansijskom procjenom ulaganja za isti.
- Priloženim projektom (situacija – novi objekat) nije data linija granice eksploatacionog polja (niti ranije odobrenog niti izmijenjenog) niti je predviđena rekultivacija zemljišta na prostoru koje se, izmjenom površine eksploatacionog polja, našlo izvan istoga.
- Revidentu je isteklo ovlaštenje nadležnog ministarstva (lista A) sa 10.02.2022. godine, ukoliko nije u postupku produženja.

U prethodnom postupku je izvršen uvid u odobrenje za površinsku eksploataciju sirovine na predmetnom površinskom kopu i odobrenja za rad prema Glavnom rudarskom projektu, prema rješenju kantonalnog ministarstva privrede, odobrenja za rad prema Glavnom rudarskom projektu te urbanističku saglasnost i okolišnu dozvolu za eksploataciju industrijske mineralne sirovine prema rješenju kantonalnog ministarstva za građenje, prostorno uređenje i zaštitu okoliša.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su, u dispozitivu rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog.

Na osnovu provedenog postupka i utvrđenog činjeničnog stanja, doneseno je rješenje kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.


Obradivač akta:

Ahmet Smajlović, dipl. inž. arh.

Prilog:

- Glavni projekat vanjske hidroinstalacije, postojeće stanje sa nadopunom, za površinski kop krečnjaka na lokalitetu „Šarića brdo – Liskovac“; urađen od strane Preduzeća za inženjering, građevinarstvo, trgovinu i usluge IBIS d.o.o. Zavidovići, broj: 15-IB-G/24, marta 2024. godine, u Zavidovićima,
- Izvještaj o izvršenoj tehničkoj kontroli – reviziji projektne dokumentacije Glavnog projekta – vanjske hidroinstalacije – postojeće stanje sa nadopunom – površinski kop krečnjaka na lokalitetu „Šarića brdo – Liskovac“, investitora Liskovački mozaik d.o.o. Cazin; urađen od strane Društva za projektovanje, inženjering i konzalting TEAM HIDRO d.o.o. Sarajevo marta 2024. godine, u Sarajevu.

Po ovlaštenju
Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

„LISKOVAČKI MOZAIK“ d.o.o. Cazin, Liskovac 202, 77 220 Cazin (sa prilogom)

AVP Sava, ISV – Vodna knjiga

Sektor 50

Sektor 40, arhiva

Oglasna ploča - AVP Sava